



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt LIX. a Idem.

---

[urn:nbn:de:hbz:466:1-74544](#)

## NOTÆ.

- I. <sup>a</sup> **I**dem.] Gregorius IX. videlicet, qui præsentem constitutionem edidit pro decisione illius casus, quando videlicet duobus concessa est facultas se ad invicem absolvendi à minori excommunicatione, utrum videlicet si ambo in eam incident, possint ad invicem se absolvere? Etas.

serit Gregorius, posse, quia cùm excommunicatus minori excommunicatione tantum prohibitus est à susceptione Sacramentorum, non verò ab eorum collatione, ut probavi *in cap. scelebrat de cleric. excommunic. cap. significavit hoc titulus*; ideo qui excommunicatione minori ligatus est, potest socium eadē censurā ligatum abolire.

## CAPUT LVII.

<sup>a</sup> Idem.<sup>1</sup>

**P**ermittimus Ecclesiarum ministris semel in hebdomada tempore interdicti, non pulsatis campanis, voce submissa, januis clausis excommunicatis, & interdictis exclusis, Missarum solennia celebrare causā conficiendi corpus Domini, quod decentibus in poenitentia non negatur.

## NOTÆ.

- <sup>a</sup> **I**dem.) Gregorius IX. videlicet, Textum hunc exposui *in cap. quod in te, de paenit. & remiss.*

## CAPUT LVIII.

<sup>a</sup> Idem.

**Q**Uamvis incidens in canonem latè sententiæ propter violentam manuum injec-  
tionem, juxta proprias facultates eis satisfaciat, quibus injurias irrogavit: non  
tamen aliter quam per Sedem Apostolicam, vel ejus <sup>b</sup> Legatum absolutionis  
potest beneficium obtainere: nisi imminentis mortis articulo, infirmitate <sup>c</sup> inimicitia,  
aut inopia, <sup>d</sup> puerili, vel senili aetate, fragilitate, <sup>e</sup> sexus, seu alia corporis impoten-  
tia, sive quolibet impedimento canonico retrahatur, quominus Romanum Pontifi-  
cem possit adire: vel nisi juris beneficio a labore hujusmodi excusetur. Ceterum qui-  
busdam prædictorum, videlicet qui temporali impedimento laborant (exceptis pueris)  
sub debito juramenti (quod secundum Ecclesiæ formam præstare tenentur) consuevit  
injungi, ut impedimento cessante ad Apostolicam Sedem accedant, mandatum ipsius  
humiliter suscepturi.

## NOTÆ.

- <sup>a</sup> **I**dem.] Gregorius videlicet IX. qui etiam  
hanc constitutionem edidit pro explicatio-  
ne canonis *Si quis suadente, juxta suorum præde-  
cessorum decisiones.*

<sup>b</sup> **L**egatum.] Alatere videlicet, juxta tradita  
suprà *in cap. ad eminentiam.*  
<sup>c</sup> **I**nimicitia.] Ut probavi suprà *in cap.*  
<sup>d</sup> **Puerili.**] Luxa tradita *in cap. i. hoc tit.*  
<sup>e</sup> **Sexus.**] Consonat caput mulieres, ubi pro-  
bavi, *hoc tit.*

## CAPUT LIX.

<sup>a</sup> Idem.

**S**iquem sub hac forma verborum: Illum excommunico; vel simili, à judice suo ex-  
communicari contingat, dicendum est, eum non tantum minori, quæ à perceptione  
sacramentorum; sed etiam majori excommunicatione, quæ à communione fidelium  
separat, esse ligatum.

## NOTÆ.

- I. <sup>a</sup> **I**dem.] Gregorius videlicet IX. qui hanc no-  
vam edidit constitutionem; nam cùm olim  
excommunicatione simpliciter prolata tantum de mi-  
norí acciperetur, *cap. Engelrudam 3. quest. 4. cap.*  
*cum excommunicato 11. quest. 3.* tamen ipse noviter  
statuit, ut si simpliciter excommunicatione profer-  
atur, intelligatur de majori, quæ fidelium commu-  
nicione privat, & magis timerit; nam qualibet

dictio in potiori ejus significatione accipienda  
est. *Glossa in l. 1. ff. de V. O.* probant, arque  
explicant latè Balboa *in cap. 2. de except. à anno*  
*mero 98. Gibalinus de censur. disquisit. I. qua-*  
*sitione 2.* Nec tunc obstat texius *in cap. i. de except.*  
*lib. 5.* ubi statuitur, reum excipientem advertitus  
actorem de excommunicatione, exprimere debe-  
re speciem ipsius excommunicationis. Igitur  
quia simpliciter excommunicatione non accipi-  
tur pro majori. Cui difficultati, omisis traditis à  
Covar.

Covar. in cap. alma. 1. part. §. 8. num. 8. dicendum est cum Gibalino, & Balboa ubi *supta*, Fermosino in cap. cùm non ab homine, queft. 3. de iudicis, in eo textu non affirmari, necessariò exprimendam esse speciem excommunicationis à reo excipiente, siquidem id superfluum eſſet, tum ex præsentis textu, tum ex eo, quia tantum excommunicatio major repellit auctorem à iudicio, ut probari in cap. intellexiimus, de iudicis, cap. 2. de except. sed tan-

tum decerni, allegandam esse causam specialem excommunicationis, quia cùm in §. si vero, ipius textus dicatur, probandam esse exceptionem intra oētiduum apertis documentis, id nulla ratione fieri poterat, allegarā tantum excommunicatione in genere, nisi illius causa specialis, quæ intra illum terminum probari possit, exprimeretur. Latius prosequuntur Balboa, & Primarij nostri in dicto cap. 2. de except.

## CAPUT LX.

a Idem.

**P**ueris, qui in canonem inciderunt sententiae promulgata, sive ante, sive post pueritatem postulent se absolvī, potest diocesanus Episcopus absolutionis beneficium impetrī: cum propter defectum ætatis, in qua fuit commissus excessus, rigor sit mansuetudine temperandus.

## NOTÆ.

\* [Dem.] Gregorius videlicet IX. Textum hunc exposui *supta* in cap. 1.

## TITULUS XL.

De verborum significatione.

## CAPUT PRIMUM.

a Hieronymus super Osee.

**I**nновate novale. Novale est ager nunc primū præcisus.

## NOTÆ.

I. \* **H**ieronymus. ] Ita etiam legitur in prima collectione, sub hoc tit. cap. final. sed non reperiuntur hæc verba in commentariis ipius S. Doctoris super Prophetam Oseam: extant tamen in Glossa, quæ vulgo interlinearis dicitur, ubi ad ea verba Prophetæ Osee cap. 10. *Seminate vobis in iustitiam, & metite in ore misericordie: innovate vobis novale,* legitur: *Novale est ager nunc primū præcisus.*

## CAPUT II.

Idem super a Danieliem.

**N**am & Rex Nabuchodonosor pater tuus, idest proavus, more b Scripturæ, quæ avos, & deinceps patres appellant.

## NOTÆ.

I. \* **D**aniel. ] Ita etiam legitur in prima collectione, sub hoc tit. cap. 1. & priora illa verba reperiuntur in cap. 1. *Danielis*, videlicet: *Nam Rex Nabuchodonosor pater tuus;* ubi ea D. Hieronymus ita exponit. *Quod autem Balthasaris patrem Nabuchodonosor vocat, non facit errorem scientibus sacre Scriptura consuetudinem, quæ patres omnes proavi, & majores vocantur.* Et ad illa verba: *In diebus patris tui, ait: Erit diebus patris tui. Patrem vocat Nabuchodonosor, ut suprà*

diximus, proavum ejus, secundum consuetudinem Scripturarum.

b *Scriptura.*] Et etiam jure civili attento, iuxta communem interpretationem, patris nomine avus quoque continetur, l. iusta 201. ff. do V. ubi Gentilis, & Fornerius. Nec tantum avus paternus, verum & maternus, l. ult. in fine, Cod. communia urinque judic. immo & omnes ascendentates, ut docent Challenens in consuet. Burgundie, rubrica 751. Acacius Rapol de privil. parent. in prolog. num. 36. quiinde explicant textus in lege Iulii ff. de rito nupt. l. filium habeo, ff. ad Maced.